

1636 12-58

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

Bosna i Hercegovina
Federacija Bosne i Hercegovine
KANTON SARAJEVO

27-04-2026

| | | |
|----|----|---------|
| 01 | 04 | 7593-98 |
|----|----|---------|

n/r predsjedavajućeg Skupštine Kantona Sarajevo

Uputiti: Ured za borbu protiv korupcije i upravljanje kvalitetom Kantona Sarajevo

ZASTUPNIČKA INICIJATIVA

Predmet: Inicijativa za provjeru zakonitosti dostavljanja i razmatranja planova i izvještaja o radu javnih ustanova iz oblasti socijalne zaštite

Poštovani,

Na osnovu člana 213. Poslovnika Skupštine Kantona Sarajevo, podnosim zastupničku inicijativu kojom tražim da Ured za borbu protiv korupcije i upravljanje kvalitetom Kantona Sarajevo izvrši provjeru zakonitosti postupanja nadležnih institucija **u vezi sa dostavljanjem i razmatranjem planova rada i izvještaja o radu javnih ustanova iz oblasti socijalne zaštite**, koji su bili predmet razmatranja na **II nastavku 27. radne sjednice Skupštine Kantona Sarajevo, održane 27.04.2026. godine, u okviru tačkaka dnevnog reda od 19. a) do 19. h).** Napominjem, da u skladu sa **Zakonom o ustanovama Federacije Bosne i Hercegovine (čl. 27. i 28.),** javne ustanove su dužne donositi i dostavljati planove i izvještaje o radu osnivaču, dok je osnivač obavezan osigurati njihov nadzor i razmatranje kroz institucije sistema.

S tim u vezi, tražim da Ured izvrši provjeru sljedećeg:

1. Da li su **direktori javnih ustanova iz oblasti socijalne zaštite** dostavili planove rada i izvještaje o radu u zakonom propisanim rokovima prema Vladi Kantona Sarajevo?
2. Da li je **Vlada Kantona Sarajevo iste dokumente blagovremeno dostavila Skupštini Kantona Sarajevo**, odnosno predsjedavajućem Skupštine, u skladu sa zakonskim i poslovničkim odredbama?
3. Ukoliko su dokumenti dostavljeni na vrijeme:
 - o zbog čega nisu pravovremeno uvršteni i razmatrani na sjednici Skupštine Kantona Sarajevo u skladu sa propisima,
 - o ko je odgovoran za eventualno kašnjenje ili izostavljanje razmatranja?
4. Ukoliko dokumenti nisu dostavljeni u zakonom propisanom roku:
 - o da li su nadležne institucije (Vlada Kantona Sarajevo i resorno ministarstvo) poduzele zakonom propisane mjere prema direktorima javnih ustanova,
 - o ukoliko nisu, iz kojih razloga iste nisu poduzete?
5. Da li su ovakvim postupanjem prekršene zakonske obaveze u pogledu planiranja, izvještavanja i nadzora nad radom javnih ustanova, te da li postoje elementi:
 - o institucionalnih propusta,
 - o nesavjesnog rada u službi,
 - o ili drugih nepravilnosti u upravljanju javnim sredstvima?
6. Da li je Ured za borbu protiv korupcije, po službenoj dužnosti ili po prijavama, već poduzimao aktivnosti u vezi sa ovim slučajem, te ukoliko jeste – koji su nalazi i zaključci?

Obrazloženje

Planovi rada i izvještaji o radu javnih ustanova predstavljaju osnovni mehanizam nadzora nad njihovim funkcionisanjem, zakonitošću rada i upravljanjem javnim sredstvima. Nedostavljanje ili kašnjenje u dostavljanju ovih dokumenata direktno onemogućava Skupštinu Kantona Sarajevo da vrši svoju zakonom propisanu nadzornu funkciju.

S obzirom da se radi o ustanovama koje upravljaju značajnim budžetskim sredstvima i pružaju usluge jednoj od najosjetljivijih kategorija stanovništva, svaki propust u ovom procesu može imati ozbiljne posljedice, kako u finansijskom, tako i u socijalnom smislu.

Nedostavljanje ili neblagovremeno razmatranje planova i izvještaja može ukazivati na:

- nedostatak institucionalne odgovornosti,
- izostanak kontrole nad trošenjem javnih sredstava,
- te potencijalne nepravilnosti u radu javnih ustanova.

Cijeneći navedeno, smatram da je neophodno izvršiti detaljnu i nepristrasnu provjeru svih okolnosti ovog slučaja, te utvrditi odgovornost za eventualne propuste.

Molim da Ured za borbu protiv korupcije i upravljanje kvalitetom Kantona Sarajevo razmotri ovu inicijativu i o poduzetim aktivnostima informiše Skupštinu Kantona Sarajevo.

S poštovanjem,

Sebija Izetbegović

